

Öreigar og kúgaðar þjóðir heims sameinist!

Stéttabaráttan



VERÐ BLAÐSINS ER:

Lausasala kr. 80.-

Ársáskrift V. kr. 3.500.-

Ársáskrift B. kr. 5.500.-

Hálft ár V. kr. 2.000.-

Til öryrkja heilt ár kr. 500.-

Málgagn Kommúnistaflokks Íslands/Marxista-Lénínista

1. tölublað

Þriðjudagurinn 3. janúar

7. árgangur

Verð kr. 80.-

Dagsbrún: Framboð í fæðingu

Til að hægt sé að gera Dagsbrún að öflugri baráttutæki, verða verkamenn að eynast nýja stjórn á félaginu. Núverandi félagsstjórn, hefur um áraraðir sýnt það bæði og sannað að hún er óhæf til að veita verkamönnum leiðsögn í kjarabaráttunni. Þeir láta

það ótalið þegar samningar eru brotnir nær daglega á verkamönnum, og hafa jafnvel forystu fyrir því að sundra okkur ef atvinnurekandanum býðst að láta samþykkja sér-samninga, er ganga á réttindi er við höfum núð fram með áratuga baráttu.

Samþykktir fjölmennra félagsfunda er brjóta í bága við vilja stjórnarinnar er stendur gegn öllu framfarasinuðu, eru miskunnalaust sviknar. Það þarf því engan Dagsbrúnarmann að undra, er við undirbúum að stilla upp lista stéttvísra félagsmanna gegn

núverandi stjórn. Þolinmæði verkamanna er þrotin, undanfarin ár hefur stjórnin barist gegn öllu framfarasinuðu starfi til eflingar Dagsbrúnar. Þeir vilja ekkert samstarf við þá sem hafa verið virkir á fundum, vinnustöðum eða staðið í útgáfustarfi þar sem

mál okkar félagsmanna voru tekin fyrir. Allir Dagsbrúnarmenn sem vilja félaginu vel, verða nú að taka höndum saman. Um miðjan desember var saminn kosningagrundvöllur, er síðan hefur verið dreift í fjölriti á flesta vinnustaði Dagsbrúnarmanna. Kosningagrundvöllurinn er ekkert endanlegt plagg, enda var það fámennur hopur félagsmanna er samdi hann. Eflaust mun hann breytast eitt-hvað til betri vegar á þeim fundum sem haldnir verða á næstunni, með þeim verkamönnum sem að framboðinu standa. Mikilvægt er að verka menn taki þátt í að móta störf og stefnu síns stéttarfélags. Til þessa hefur verið á því mikill skortur, en nú er tækifæri fyrir okkur, sem gefst ekki nema einu sinni á ári, að móta framboðslista stéttvísra verkamanna sem við treystum til að hafa með höndum stjórn verkamannafélagsins.

Sigur í kosningum sem þessum mun hafa áhrif inn í innstu æðar þjóðfélagsins og hrófla duglega við samtryggingar kerfi þingflokkanna. Það mun einnig valda því að niðurstæðingar í stjórnnum annara verka lýðsfélaga yrðu að hugsa sér til hreyfings eða verða felldir ella. Það er útbreiddur mis-skilningur meðal fólks, að hafi menn einu sinni verið kosnir til ábyrgðarstarfa, þá eigi þeir rétt á að verða þar ellidaufir, hversu illa sem þeir standa sig. Þetta er okkar verkamanna í Dagsbrún að af-sanna. Enn einu sinni er það okkar að ríða á vaðið, nú með því að endurreisa stéttarfélag okkar sem öflugt baráttutæki.



Barátta hjúkrunarnema

Nokkuð nýstárleg baráttuaðferð leit dagsins ljós hér um daginn, en það var í kjaradeilu hjúkrunarnema og viðsemdjenda þeirra. Eftir að laun nemanna höfðu verið lækkuð til muna, en yfirvinnu álag hækkað til að þröngva nemunum til að vinna lengri vinnudag, gripu nemarnir til sinna ráða. Vegna þess að þeir hafa ekki verkfallsrétt varð að beita öðrum aðferðum til að fá leiðréttingu sinna mála. Hjúkrunarnemarnir gripu því til eina úrræðisins en það var að segja sig úr skóla og hætta námi. Þetta hafði sömu áhrif og verkfall sem leiddi til þess að stjórnvöld voru neydd til að ganga til samninga. Samningarnir eru því í raun stór sigur fyrir hjúkrunarnema sem sannar enn einu sinni að órofa samstaða getur sigrað og ekki skaðar að beita réttum baráttuaðferðum. Auðvitað eru hjúkrunarnemar ekki fullkomlega ánægðir með samningana en eru samt á einu máli um að án réttar baráttuaðferðar hefði málið algjörlega tapast. Hjúkrunarnemar hafa því ekki hugsað sér að leggja baráttuna á hilluna en munu knýja á um bætta vinnuaðstöðu og réttindi til handa nemum

Það eru fleiri nemar en hjúkrunarnemar sem ekki hafa verkfallsrétt og hafa því átt undir högg að sækja. Þetta eru til dæmis hinir almennu iðnnemar og nú er spurning hvort þeir feta ekki í fótspor hjúkrunarnemanna og reyni svipaðar baráttuaðferðir. Að vísu er þetta nokkuð flóknara mál hjá almennum iðnnemum en þó engu að síð, er vel hugsanlegt og með árangur hjúkrunarnemanna í huga er þetta sérlega áhugavert. Iðnnemar hafa hingað til talið sig bundna af því að hafa ekki verkfallsrétt og árangur því harla rýran en nú hefur verið bent á nýja leið sem sjálfsagt er að taka til vandlegrar ihugunar. Á næsta ári verða gerðir nýjir kjarasamningar. Það er því full ástæða til að hefja undirbúning nú þegar og ræða þær leiðir sem fara verður.

FRÉTTATILKYNNINGIN SEM HJÚKRUNARNEMAR SENDU FRÁ SÉR:

"Það er greinilegt að með þessu er stefnt að því að knýja hjúkrunarnema til yfirvinnu, þar sem þörf ríkisspítalanna fyrir starfsfólk til að vinna

aukavaktir er mikil vegna skorts á starfsfólki á hinum ýmsu deildum. Er einkennilegt að ríkisvaldið komi með slíkt tilboð á sama tíma og stefnt er að því að minnka yfirvinnu hinna vinnandi stétta í þjóðfélaginu.

Hjúkrunarnemar eru og hafa alltaf verið ódýrt vinnuafli fyrir sjúkrahúsin. Hefur ríkið grætt mikið á starfi hjúkrunarnema, þar sem þeir koma í stað sjúkráliða og hjúkrunarfræðinga að hluta. Þeir hafa fulla vinnuskýldu og ganga allar vaktir. Nú á að þvinga nema til þess að vinna einnig í frítíma sínum til að geta lifað mannsæmandi lífi. Megum við síst við meiri vinnu en raun ber vitni nema ríkisvaldið vilji fá á markaðinn sífellt lélegri og verri hjúkrunarfræðinga, þar sem svo lítill tími gefst til lesturs og náms vegna mikils vinnuálags.

Hjúkrunarnemar mótmæla harðlega þessari stefnu ríkisvaldsins og krefjast leiðréttingar mála sinna. Þangað til það hefur gerst verður í gildi yfirvinnubann nema. Hafi ekki verið gengið að kröfu okkar fyrir áramót, liggur fyrir úrsögn úr skóla."

Hlutleysi útvarpsráðs

Það var 27. febrúar 1976 sem útvarpsráð útilokaði lestur leiðara úr Stéttabaráttunni og nokkrum fleiri blöðum, sem gefin eru út af samtökum hér í Reykjavík. Þetta er rífað upp núna vegna þess að í samþykkt útvarpsráðs kom fram að þau blöð sem komið hafa út vikulega í heilt ár skuli þó ekki útilokast.

Í samþykkt útvarpsráðs segir orðrétt "Einu sinni í viku skal lesa úr leiðurum þjóðmálablaða sem komið hafa reglubundið út að jafnaði vikulega um eins árs skeið." Nú hefur Stéttabaráttan komið "að jafnaði vikulega út um eins árs skeið" svo að nú verður látið reyna á hvort þessi lög sem sett voru gegn Stéttabaráttunni og fleirum verði látin gilda fyrir Stéttabaráttuna nú. Það sem er kostulegt og um leið afhjúpanði fyrir hið borgaralega lýðræði sem þessir sömu menn segjast berjast fyrir, sem samþykktu lögin, er hvernig þeir reyna á allan mögulegan hátt að þrengja það. Af nema rétt þeirra sem eru þeim ekki sammála, skerða rétt þeirra til að láta skoðanir sínar í ljós á opinberum vettvangi og svo framvegis. Undanfarið ár hefur verið ár

mikillar umræðu um lýðrættindi og mannréttindi almennt. Fjöldi ríkja hefur hlotið harða gagnrýni fyrir skerðingu á mannréttindum og þá ekki síst Sovétríkin sem bannað hafa allar skoðanir nema stjórnvalda. Á síðasta ári reyndu nokkrir listamenn þar sýningu á listaverkum sínum, en sýningin var bönnuð og síðan eyðilögð af her og lög-reglu. Annað dæmi um þetta er kannski hvernig Carillo var bannað að tala á þingi sem var haldið þar af því að skoðanir

hans féllu ekki saman við skoðanir stjórnvalda. Þetta hefur allur heimurinn fordæmt bæði hægri og vinstri menn og þá ekki síst Carter bandaríkjaforseti. Samþykktur hefur verið fjöldinn allur af yfirlýsingum í hinum "vestrana heimi" sem fordæma aðgerðir stjórnvalda sem kúga minnihlutaskoðanir og skerða tjáningarfrelsi. Ísland er þar engin undantekning t.d. stendur eftirfarandi í 3. grein útvarpslaganna meðal annars: "... (útvarpið) skal kappkosta að framhald á síðu 2

LEIÐARI

Hvað ber komandi ári í skauti sér

Í byrjun nýs árs hljótum við að líta fram og hugleiða hvað framtíðin ber í skauti sínu. Hvað verður helsta einkenni komandi árs? Til að svara því, þá verðum við að líta aftur til ársins 1977, sem óhjákvæmilega setur mark sitt á þá þróun og það ástand sem verða mun á komandi ári.

Árið 1977 var ár mikilla sviptinga á öllum sviðum þjóðlífsins, bæði í efnahagsmálum og pólitík. Þó hafa þversagninar í öllum málum valdið mestum ruglingi og skýrar línur virðast ekki fyrir hendi í dag. Þetta á kannski sérstaklega við um efnahagsmálin. En þar hefur um nokkurn tíma verið um að ræða, eitt mesta góðari sem umgetur hvað varðar útflutningsafurðir. Aldrei hefur verið á útflutningsafurðum okkar verið jafn hátt og fer enn hákkandi. En þrátt fyrir það stöndum við á barmi gjaldþrots og skuldasöfnunin hefur einmitt aukist á þessu hagstæða ári fyrir útflutningsafurðirnar. Jafnframt þessu hefur verðbólga vaxið stórlega og spilling hefur óhjákvæmilega siglt í kjölfarið með viðeigandi skipulagsleysi á öllum sviðum þjóðlífsins. Bróðurparturinn af fjármunamynduninni fer í framkvæmdir sem engum arði skila, en eru auðsjáanlega til þess gerðar að þjóna ýmsum gæðingum stjórna-flokkanna. Þannig er aðaleinkenni efnahagsstefnunnar opinbert brask bæði hjá einstaklingum og stjórnvöldum. Um það skulum við nefna tvö dæmi: Það fyrra er hvernig útgerðarmenn sviku út meira fé til kaupa á togurum en þeim bar, en hið síðara eru kaup stjórnvalda á Víðishúsinu langt yfir kostnaðarverði til að bjarga einum flokksmanni Sjálfstæðisflokksins. Vissulega væri ástæða til að telja upp fleiri dæmi því af nógu er að taka, en þetta verður að duga til að sýna fram á hvernig spilling og brask hefur gripið um sig á hæstu sem lægstu stöðum, og í dag þekkjum við þó aðeins hluta af þessum málum.

En árið hefur líka einkenst af mikilli baráttu verkalyðshreyfingarinnar gegn kjaraskerðingunni sem hefur verið spillingunni og verðbólgunni samfara. Viss vonleysis hefur þó gætt í þessari baráttu vegna þess hvernig verðbólgan hefur étið upp hverja þá kjarabót sem unnist hefur undanfarið ár. Stjórnlaus verðbólga sem aðallega er beint gegn verkafólki með hákkunum á allri nauðsynjavöru sérstaklega, hefur vissulega gefið hagfara- og undan-sláttsmönnum byr í seglin. Þeir þykjast annað hvort vera að hugsa um hag verkafólks eða vera ábyrgir gagnvart viðgangi framleiðslu- og vinnuveganna. Þeir segja: "Það verður að stilla kröfunum í hóf" og þegar öllu er á botninn hvolft kemur í ljós að þetta hóf er það sem atvinnurekendur geta sætt sig við. Af fleiri forystumenn stærstu verkalyðsfélaganna í Reykjavík hafa nú orðið uppvísir að beinum og óbeinum stuðningi við atvinnurekendur. Þessir menn eru fimmta herdeildin innan verkalyðshreyfingarinnar, sem þjóna atvinnurekendum á ótal vegu. Gegn svikum þessara manna verður verkalyðshreyfingin ekki síst að snúa sér á komandi ári um leið og hún mótast stefnuna í kjaramálum.

Með þennan forgrunn munum við ganga inn í komandi ár sem er sérlega merkilegt vegna þess að það er kosningaár og pólitísk umræða því sérlega mikil allstaðar í þjóðfélaginu. Flokkarnir, munu auðvitað skreyta sig með stórkostlegum loforðum og þeir sem peningana og völdin hafa munu reyna að kaupa upp eins mörg atkvæði og þeim unnt. Það má því fastlega búast við að þó að eitt aðaleinkenni ársins sem var að líða hafi verið sukk og svínari, þá muni þetta ár sem er að hefjast enn frekar verða slíkt ár. Lyðskrumarar og loddarar munu verða eitt helsta

útspil allra borgaralegra stjórnmálaflokka, menn sem einskis svífast og eru samviskulausir með öllu. Vil-mundar af öllum gerðum munu óhjákvæmilega skjóta upp og kynna sig sem samvisku þjóðarinnar, en eru í raun ekkert annað en afurð hins spillta hagkerfis kapitalismans. Þeir munu ekki ráðast að rótum vandans heldur gerast taumdragar innlands eða erlands auðvalds í nafni frelsisins. Komandi kosningaár mun því verða ár mikillar baráttu, þar sem aðeins sannur verkalyðsflokkur verður fær um að verja hagsmuni verkalyðsins. Flokkur á borð við Kommúnistaflokk Íslands m-l, sem ræðst að rótum sjálfs meinsins kapitalismanum.

Alyktun 4. landsfundar miðstjórnar

Fjórför landsfundar miðstjórnar KFI/ml. ákveður eftirfarandi:

1. Ákveðin hefur verið dagsetning annars þings KFI/ml.

2. Eftirfarandi verða höfuðverk efni þessa þings:

a) Afstaða verði tekin til fortíðar KFI/ml og starfs flokksins frá stofnun hans. Sérstaklega verði tekin afstaða til fram kominnar gagnrýni, sem telur að KFI/ml og forverar hana hafi í meginatriðum rekið endurskoðunarsinnaða pólitík og starfað á verkalyðsfjandsamlegan hátt í flestum höfuðmálum.

b) Niðurstöður verði dregnar af þeim umræðum sem átt hafa sést stað um stéttgreininguna.

c) Tekin verði afstaða til þess á hvern hátt flokkurinn tekur þátt í kosningunum á komandi ári.

d) Flokkurinn setji fram nýja stefnuskrá sem byggist á þeirri reynslu sem hann hefur öðlast

í innri baráttu og ytra starfi á þeim tveimur árum sem umhverandi stefnuskrá hans hefur verið beitt.

e) Sett verði fram skýr afstaða flokksins til sameiningarviðræðna við aðra marx-lenínista á grundvelli himnar nýju stefnuskrar.

3. Umræður til undirbúnings þingsins eru höfuðverkefni flokksins fram að þeim tíma er það verður haldið. Þessar umræður verður að leiða og efla á þann hátt að þingið verði fært um að taka afstöðu sem byggist á meðvitaðri afstöðu sem flestra félaga. Það er þess vegna algjör nauðsyn að hver einasti félagi taki virkan þátt í þessari um-

ræðu og starfi ötullega að því að þinginu megi takast að leysa verkefni sín.

4. Flokkurinn mun áfram starfa

eftir fremstu getu á þeim vígsstöðvum stéttabaráttunnar, þar sem mikilvægast er að afstaða kommúnistanna sé sett fram og baráttahættur gegn stéttaróvini verka lýðsins sé háð á óvægin og markvissann hátt.

5. Verkefni flokksins hvað varðar útgáfu Stéttabaráttunnar fram að flokksþinginu er að treysta þann árangur sem næst hefur og tryggja markvissu þá að í blaðinu birtist ætíð skýrt og afdráttarlaust afstaða flokksins í hinum ýmsu málum er varða baráttu verkalyðsins.

Stéttabaráttan þarf að losa sig við þá ónákvæmni og þann uppákomu stíl sem stundum hefur einkennt það sem hún hefur birt. Þetta verður rínefnd að gera með því að líta starf sitt gagnrýnum augum og gera sér grein fyrir í hverju villur blaðsins eru fólgnar og hversvegna stundum birtist það sem ekki á að birtast.

framhald af forsiðu

Hlutleysi utvarpsráðs

halda uppi rökræðum um hvers konar málefni, sem varða almenning, á þann hátt, að menn geti gert sér grein fyrir mismunandi skoðunum um, þau... Það skal virða tjáningarfrelsi og gæta fyllstu óhlutdrægni gagnvart öllum flokkum og stefnum, í opinberum málum stofnunar, félögum og einstaklingum. "Þetta eru vissulega góð lög en framkvæmdin er því miður með rússneska sniðinu. Skoðanir og félög sem stjórnvöld treysta sér til við eru svift tjáningarfrelsi sem þau eiga þó fullan rétt á. Íslensk stjórnvöld hafa sýnt það og sannað að þau eru ekki fær um að gæta þess sem skildi, að fullt tjáningarfrelsi sé virt. Skoðanakúgun hefur t.d. verið eitt helsta dæmið um afstöðu stjórnvalda gegn röttakum öflum til vinstri. Þeir sem eru einlægir stuðningsmenn verkalyðsins hafa hingað til verið gerðir útlagir úr fjölmiðlum ríkisins. Nú mun Stéttabaráttan reyna, á grundvelli samþykktar útvarpsráðs, sem áður var getið, á hvort hún er einskisvert pappírsgagn eða ekki. Hingað til hefur Íslenska útvarpsráðið starfað eins og það rússneska, spurningin er því hvort þeir verða tilnæyddir að gefa eftir og byrja aftur lestur úr leiðurum Stéttabaráttunnar jafnt og annara landsmálablaða blaða.

Eftirfarandi tillaga var samþykkt á fundi útvarpsráðs föstudaginn 27. febrúar 1976.

Útvarpsráð samþykkir eftirfarandi skipan á upplestri forystugreina og kynningu blaða og tímarita.

1. Frá þriðjudegi til sunnudags að báðum dögum meðtöldum skal lesið úr leiðurum dagblaðanna. Dagblöðin skulu sjálf sjá um að senda á fréttastofnun ríkis útvarpsins forystugrein fyrir kl. 19:00 daginn áður en lesið er.

Dagblöðunum er heimilt að stytta sjálf leiðarana samkvæmt nánari reglum um tíma lengd.

2. Einn sinni í viku skal lesið úr leiðurum þjóðmálablaða sem komið hafa reglubundið út, að jafnaði vikulega um eins árs skeið. Í þessum þætti skal einnig lesa úr leiðurum héraðsbundinna þjóðmálablaða, þar sem dagblöð koma ekki út, enda komi þau ekki sjaldnar út en 6-8 sinnum á ári og hafi komið út um eins árs skeið. Í báðum tilvikum er það skilyrði, að blöðin séu málöggn formlegra og almennra stjórnmálalásam. Með þessari samþykkt falla niður fyrri samþykktir útvarpsráðs um upplestur úr leiðurum dag- og þjóðmálablaða.

taka. Gerður skal listi yfir blöð þau, sem lesið er úr þessum vikulega þætti, og skal hann endurskoðaður a. m. k. tvisvar á ári. Útgefendur skulu sjá um að skila viðkomandi blöðum til ríkisútvarpsins.

3. Nokkrum sinnum á ári, þegar henta þykir, skulu kynnt blöð og tímarit, sem fjalla um þjóðmál og gefin eru út fyrir almennann markað, en falla ekki undir

1. og 2. lið. Í kynningu skal getið útgefanda, sagt frá helstu greinum og getið um efni forystugreina, ef þeim er fyrir að fara.

Útgefendur skulu sjá um að skila viðkomandi blöðum og tímaritum til ríkisútvarpsins.



... í Stuttu máli

KAMBÓDÍA

Hið vitfirrt áróðurskerfi vestrænna borgarastétta, beið alvarlega hnekki við ummæli Jean-Christophe Oberg sendiherra Svíþjóðar í Thailandi, eftir för hans til Kambódíu nú fyrirskömmu. Sendiherrann vísaði heim til föðurhúsanna þeim fréttatutningi sem dunið hefur yfir fólk í hinum "slömennta vestræna heim" að í Kambódíu ríki einræðisstjórn sem stjórni með taumlausri kúgun og grimmdarverkum.

Sendiherrann sagði að Kambódíumenn væru að byggja upp nýtt þjóðskipulag eftir eigin hugmyndum og aðferðum.

Fólksflutningarnir frá borgum til sveita væri eðlileg raðstöfun einfaldlega í þeim tilgangi að brauðfæða þjóðina.

Borgir í Kambódíu voru í rústum eftir þau átök sem þær hafa átt sér stað. Það mun taka sinn tíma að endurreisa þær og meðan sú uppbygging fer fram er ekki nema eðlilegt að fólkíð verði að leggja áherslu á það að geta lifað af landbúnaðinum.

Sendiherrann sagði jafnframt að lítið væri að marka vitnisburð flóttamanna frá Kambódíu. Slíkur vitnisburður væri vel þekktur af fyrri dæmum frá öðrum löndum. Hann sagði að Kambódíumenn vissu vel af því orðspori sem af þeim færi í heiminum en þeir settu aðra hluti í öndvegi sem í dag eru mikilvægari fyrir kambodíska alþýðu.

HAFIÐ SAMBAND VIÐ KOMMÚNISTAFLOKK ÍSLANDS M-L

● **Miðstjórn og Ritstjórn** Stéttabaráttunnar, sími: 27810 og pósthólf 1357, 121 R. einnig í Rauðu Stjórnumni bókaúð, Lindargötu 15. Opíð mánud. - föstud. 15-19, 30

● **Ákureyri:** Jón Atli Játvarðsson, Hafnarstræti 23.

● **Hafnarfjörður:** Fjóla Rögnvaldsdóttir, Reykjavíkurgötu 24.

● **Hornafjörður:** Skúli Walderff, Silfurbraut 2.

● **Neskaupstaður:** Messíana Tómasdóttir, Píluvöllum 38.

● **Snæfellsnes:** Sigfus Almarsson, Hellisbraut 10, Hellissandi, og Gísli Hjaltason, pósthólf 63, Stykkishólmi.

● **Suðurnes:** Einar Jónsson, Sólvaldargötu 40c, Keflavík.

● **Danmörk:** Magnús Þorgrímsson, Børghlum Kollegiet v. 444 Børghlumvej 2, 8240 Risskov.

● **Svíþjóð:** Kristján L. Guðlaugsson, Kámnarsvægen 3A:218, 222 46 Lund.

Hin tíu megingtengsl eftir Mao Tse-tung

"Hin tíu megin tengsl" flutti félagi Maó Tse-tung upphaflega sem ræðu á fundi pólitískrar framkvæmdanefndar miðstjórnar Kommúnistaflokks Kína 25. apríl 1956.

Með því að birta ræðuna sem greinaflokk vill Stéttabaráttan gefa lesendum sínum tækifæri til að kynnast nánar þessum mikla leiðtoga kínversku þjóðarinnar

Hér dregur Maó Tse-tung saman reynslu Kínverja sjálfra sem og einnig reynsluna af Sovétríkjunum í sósíalískri byltingu og sósíalískri uppbyggingu. Á meistaralegan hátt dregur hann þetta saman í "tíu megin tengsl" og setur fram hugmyndir sem eru undirstaðan í stefnu sem lögð er til grundvallar í að byggja sósíalismann með stórstígari, hraðari, betri og meiri efnahagslegum árangri, stefna sem fellur að aðstæðum í Kína.

Stéttabaráttan er einnig sannfærð um að lesendur blaðsins geti marga lærdóma dregið af lestri þessa greinaflokks til brúks í eigin starfi að íslensku byltingunni.



Mao Tse-tung.

VII. TENGLIN MILLI FLOKKSMAKNA OG Ó- FLOKKSUNDINNA.

Hvort er betra að hafa aðeins einn flokk eða nokkra? Eins og málin horfa nú við er líklega betra að hafa nokkra flokka. Þetta hefur reynst rétt fram til þessa og ætti að vera það áfram. Það felur í sér "sambúð til langframa og gagnkvæmt eftirlit."

Í landi voru urðu hinir fjölmörgu lýðræðisflokkar, sem einkum ná til þjóðlegrar borgarastéttar og menntamanna hennar, til í andspyrnunni gegn Japan og baráttunni gegn Chiang Kai-shek og þeir hafa

haldið velli fram til þessa. Að þessu leyti er Kína frábrugðið Sovétríkjunum. Við höfum leyft tilvist lýðræðisflokka af ásettu ráði, veitt þeim tækifæri til að víðra skoðanir sínar og fylgt þeirri stefnu að hafa bæði einingu við þá og baráttu gegn þeim. Við sameinumst öllum þeim lýðræðissinum sem gagnrýna okkur í góðum tilgangi. Við ættum að halda áfram að virkja eldmóð fólks úr her og ríkisstjórn Kuomintang sem er lýðræðissinnað eins og Wei Li-huang og Wen Wen-hao. Við ættum líka að velja hæpnum náungum eins og Lung-Yun Liang Shu-ming og Peng Yi-hu tækifæri til að hamast gegn

okkur, en afsanna vitleysuna og samsinna því sem rétt reynist í árásum þeirra. Þetta er betra fyrir flokkinn, alþýðuna og sósíalismann.

Þar sem stéttir og stéttabaráttan er enn fyrir hendi í Kína, hlýtur að vera til andstaða í einhverri mynd. Jafnvel þótt lýðræðisflokkarnir og óflokksbundnir lýðræðissinnar hafi svarið leiðtogahlutverki Kommúnistaflokks Kína hollustu sína, eru margir þeirra í ýmis konar andstöðu. Í mál efnum eins og "haldið byltingunni áfram uns yfir lýkur", hreyfingu gegn bandarískri árás og til stuðnings Kóreu og umbætur í landbúnaði, voru þeir bæði með okkur og á móti

Allt fram á þennan dag eru þeir ekki hlynntir því að gagnbyltingarsinnar verði bældir niður. Þeir vildu ekki stjórnar skrá í anda sósíalismans og sögðu að Almenna Stefuskráin væri alveg ágæt, en þegar tillagan að Stjórnarskrá var lögð fram réttu þeir allir upp hendur sínar til samþykkis.

Hlutir breytast oftlega í andstöðu sína og það á einnig við um afstöðu lýðræðisflokka til margra viðfangsefna. Þeir eru andsnúnir og þó ekki andsnúnir, oft snúast þeir frá andstöðu til samþykkis.

Kommúnistaflokkurinn og lýðræðisflokkarnir eru allt sköpunarverk sögunnar. Það

sem sagan skapar afnemur hún einnig. Þess vegna mun Kommúnistaflokkurinn verða afnuminn einn góðan veðurdag

og lýðræðisflokkarnir líka. Er þetta afnám svo óviðkunnlegt? Mér finnst það mjög viðkunnlegt. Mér finnst það mjög gott, að einhvern tíman komi að því, að við getum afnumið Kommúnistaflokkinn og alræði öreiganna. Verkefni okkar er að flýta þessu afnámi. Við höfum oftlega talað um þetta atriði.

Nú komumst við ekki af án Kommúnistaflokksins og al-

ræðis öreiganna og það er meira að segja afgerandi að þetta tvennt verði eftir enn. Annars gætum við ekki bælt gagnbyltingarsinna niður, staðið gegn heimsvaldasinum og byggt sósíalisma, eða fest hann í sessi jafnvel eftir að hann er uppbyggður. Kenning Lenins um öreigaflokkinn og alræði öreiganna er engan veg inn úrelt eins og sumir halda fram. Það er full nauðsyn á alræði öreiganna. Þrátt fyrir það verðum við að snúast gegn skrifræði og þunglama legu kerfi. Ég legg til, að valdataki flokksins og ríkisins verði rækilega ydd og skorin niður um tvo þriðju, svo fremi að engin blíði þana af eða nokkurt starf stöðvist.

En þó stjórnþæki flokksins og ríkisins verði ydd, jafngildir það ekki því, að við losnum við lýðræðisflokka. Ég legg því til að þið gefið

gaum að samfylkingarstarfinu svotengslokka við þá eflist og að þið reynið allt, sem unnt er til að virkja eldmóð þeirra fyrir málstað sósíalismans.

Dufpakur

'Arangurinn af starfi Kommúnistaflokksins

Í 45.-46. tölublaði Stéttabaráttunnar birtist grein undir yfyrskriftinni "Hví er Kommúnistaflokkurinn byltingarsinnaður?" Þessi grein rak endahnútinn á greinaflokk um stjórn mála flokka íslenska, er kenna sig við verkalyðinn.

Í upphafi greinarinnar er réttlæga bent á, að þessari spurningu er engan veginn hægt að svara á fullnægjandi hátt í stuttri blaðgrein. Hins vegar er ekki hægt að neita því, að svarið við þessari spurningu er jafn ófullnægjandi eftir sem áður og fyrir almennan lesanda, sem lítið sem ekkert hefur kynnt sér þá fræðikenningu, er kommúnistar byggja starf sitt og stefnu á, er spurningin jafnvel torleystari en áður. Það er afskaplega auðvelt fyrir sérhvern kommúnista að útskýra pólitísk sjónarmið sín með fræðilegum langlokuvangaveltum — en slíkt gagnar bara ekki þorra vinnandi fólks sem krefst þess, að málin séu rædd í samhengi við hina ýmsu þætti þjóðfélagsins. Greinarhöfundur gerir þau mistök að falla í gryfju fræðilegra vangaveltna. Hefði ekki verið nær, til að benda á þá staðreynd að sósíalisminn sé óframkvæmanlegur án þjóðfélagsbyltingar, að taka til meðferðar einstaka þætti borgaralegs þjóðfélags, s.s. lýðræðið, ríkisvaldið, eignarhald á atvinnutækjum og þera saman byltingarsinnaða afstöðu Kommúnista-



flokksins og umbótapólitík Alþýðubandalagsins?

Meira að segja gerist greinarhöfundur svo ósvifinn að endurprenta nokkrar setningar úr grein Jósefs Stalíns um díalektíska og sögulega efnishyggu, án þess að geta heimilda — rétt eins og hann vilji eigna sér þau skrif sjálfur.

En hvað um það, látum þessum athugasemdum lokið í

bili og snúum okkur að öðru þarflegu umræðuefni.

Þar sem árið er nú nýliðið væri ekki úr vegi að veita og meta árangurinn af starfi Kommúnistaflokksins á liðnu ári. Því verður náttúrulega ekki gerð skil svo gagn sé í þessari grein. Það er rétt að hafa í huga, að árangurinn verður ekki metinn af félagatölu flokksins, heldur fyrst og fremst af starfinu

útávið, hvort starf og stefna flokksins hafi haft áhrif meðal fjöldans.

Ýmsir sjálfkjörnir forystumenn verkalyðsins hafa haft í frammi alls konar óhróður í þá veru að Kommúnistaflokkurinn væri að klofna, félögum fari fækkandi o.s. frv. Það er rétt að flokkurinn hefur þurft að sjá á bak nokkrum ágetum starfskröftum, en aðrir hafa líka komið og fyllt upp í skarðið. En er ekki 10-20 manna vel skipulagður og agaður hópur betri, en 100-200 manna hópur sundurlaus, illa agaður og þar sem hver höndin er uppi á móti annarri?

Kommúnistaflokkurinn hefur enga aðra hagsmuni en verkalyðsins og árangurinn af þrotlausu og þolinmóðu starfi hans er smá saman að koma í ljós. Á þessu ári má sjá ágæt árangur af starfi flokksins einkum á tvennum vígstöðvum: annars vegar innan Samtaka herstöðvaandstæðinga, hins vegar innan verkalyðshreyfingarinnar. Á þessu ári hófu Samtök herstöðvaandstæðinga baráttu gegn útpenslu stefnu Sovétríkja, mest fyrir tilstilli Kommúnistaflokksins og þrátt fyrir að endurskoðunarstefnan hafi þar töluverð áhrif. Á síðasta Verkamannasambandsþingi var samþykkt krafa um lífvænleg laun fyrir 40st. vinnuviku, sem Kommúnistaflokkurinn einn allra stjórnmálaflokka hefur haldið á lofti sem mikilvægustu hagsmuna-

kröfu íslenskrar verkalyðsstéttar í dag.

Þetta tvennt er árangurinn af þolinmóðu starfi félaga flokksins innan fjöldahreyfinga. Þetta ætti að verða öllum þeim er telja sig kommúnista og baráttumenn fyrir verkalyðinn mikilvæg lexía og sönnun þess, að óeigingjarn starf meðal fjöldans verður ávallt að sitja í fyrirrúmi.

Dufpakur

BORGARASTÉTT SOVÉTR.

framhald af baksíðu

borgaralegu aflanna. Nú er svo komið að þótt framleiðslutækin séu að nafninu til í höndum verkalyðsins, þá eru það stjórnendur þeirra sem raka arðinum í eigin vasa. Þessir stjórnendur leika sama hlutverk og kápítalistar. Þeir miða framleiðsluna við eigin gróðahagsmuni, svikja og stela úr sjóðum fyrirtækjanna og lifa flott af arðrání á verkalyðnum. Þessir menn teljast samkvæmt núverandi stjórnarskrá Sovétríkja, til sömu stéttar og verkamennirnir og vera kosnir til að leiða hagsmuni verkalyðsins. Þetta minnir óneitanlega á fasismann, sem telur verkalyð og atvinnurekendur hafa sameiginlega hagsmuni, sem atvinnurekandinn eigi að gæta. Andóf verkafólks gegn þessu fyrirkomulagi er nú orðið svo mikill að jafnvel vestræna pressan getur ekki lengur pagað yfir því, heldur verður að viðurkenna að ekki aðeins vísindar og listamenn sitja í fangelsum, heldur hefur fjöldi verkamanna verið dæmdur á geðveikrahæli fyrir að afhjúpa hina nýju borgarastétt.



Öreigar og kúgaðar þjóðir heims sameinist!
Stéttabaráttan
Útg: Kommúnistaflokkur Íslands m-l.
1. tbl. 3.1.1978



STÉTTABARÁTTAN
-kemur út vikulega-
Sími: 27810.
Gíró: 27810-6.

Sigurður Jón Ólafsson
ÓSínagötu 177
101 R

Ábyrgðarm: Sigurður
Ingi Andrésson.

Borgarastétt Sovetríkjanna

Grein þessari er ætlað að svara að nokkru leiti þeim sjónarmiðum sem fram hafa komið, að Sovetríkin séu visslega sósíalísk.

Við lítum svo á að mannkynsagan mótist af baráttu andstaðra stétta. Þótt verkalýðsstéttin hafi steipt borgarastéttinni með valdi, þá er stéttabaráttunni hreint ekki lokið. Hin fallna borgarastétt nær ekki völdunum með því að gömlu auðherrarnir gangi inn í kommúnistaflokkinn, eða önnur valdataki verkalýðsins. Baráttan er ekki milli einstaklinga heldur milli tveggja þjóðfélagsgerða, borgaralegs og sósíalíks.

Við uppbyggingu hins sósíalíska ríkis komu upp ýmis vandamál, sem ekki hafði verið búist við. Fyrri reynsla var ekki til að byggja á og flokkurinn þurfti að þreifa fyrir sér við hvert spor. Eignahald framleiðslutækjanna var komið í hendur verkalýðsins, en fyrst í stað miðuðust framleiðslu- og markaðshættir við gamla kápítalíska formið. Það var greinilega ekki nóg að skipta um eigendur, það þurfti að gerbreyta öllu kerfinu. Hinir nýju sósíalísku hættir komust í mótsögn við leyfar gömlu kápítalíska háttanna. Rótrónir þjóðfélagsheittir breytast ekki í einni svipan við byltingu. Í sósíalísmanum á framleiðslan ekki að þjóna gróðahagsmunum eigenda sinna, heldur þörfum fólksins.

Þegar byltingin er gerð er efnahagskerfið ennþá kápítalískt. Byltingarmanna biður því erfitt verkefni sem er að færa eignarhald á fyrirtækjunum yfir til verkalýðsins, skipuleggja hans hlut í arðinum, skipuleggja á nýtt stjórntækjanna og breyta markaðsháttum í samræmi við breytta framleiðsluhætti. Þetta gerist ekki í einni svipan. Bolsévíkaflokkurinn þurfti eftir byltinguna, að takast á við innlenda hermdarverkahöpa, afturhald,

hungursneyð, erlenda árásheri og margan fleiri vanda, jafnframt því sem hann vann við að gerbreyta þjóðfélagsháttum.

Í grein sinni "Tíu megin tengslin" dregur Maó Tsetung m. a. saman reynslu Sovetríkjanna og lærdóma af mistökum þeirra. Hvetjum við lesendur Stéttabaráttunnar til að lesa vel þessar greinar. Stalín gerði mikil mistök þegar hann lýsti því yfir að stéttirnar væru útdauðar í Sovetríkjunum. Þessi ályktun varð vitanlega til þess að slaka mjög á árveki gagnvart borgaralegum öflum.

Í Sovetríkjunum tókust á tvær línur um uppbyggingu sósíalismans. Annars vegar, að þjóna hagsmunum verka lýðsins, láta framleiðsluna miðast við þarfir fólksins og uppræta hverja þá fyrirstöðu sem hindraði framgang þess. Hins vegar, að láta staðar numið við eignarhald verkalýðsins á framleiðslutækjunum en vanrækja að breyta öðrum þáttum þjóðfélagsins til samræmis við nýjar þarfir. Við þekkjum það líka hérlandis að þeir sem kalla sig sósíalista, vilja í raun ekki allir gerbreyta framleiðslu háttum, heldur lappa upp á það gamla. Þessi þróun verðurekki að eins fyrir tilstuðlan gömlu kápítalistanna, heldur vegna borgaralegrar hugmyndafræði og sáttfýsi við úrelt þjóðfélagsform.

Við eignarhald verkalýðsins á framleiðslutækjunum, verður ekki sjálfskrafa breyting á öðrum þáttum framleiðslunnar, en þær breytingar eru nauðsynlegar. Auðvaldsþjóðfélagið leggur ekki upp laupana og hverfur, þótt bylting sé gerð. Það verður að uppræta það algjörlega, því hagsmunir þess stangast á við hagsmuni verkalýðsstéttarinnar.

Í Sovetríkjunum tókst aldrei fyllilega að afmá borgaralega háttu og þegar Krúsjeff komst til valda, mögnuðust áhrif framhald á síðu 3



Herstöðvabaráttan

Í ljósi aukinnar sóknar afturhaldssamasta hluta íhaldsins í hermálinu hljóta herstöðvaandstæðingar að störefla starf sitt. Aronskan svo kallaða er síðlaug landssölustefna. Hún stefnir að því að veikja sjálfstæði og sjálfsákvörðunarrétti Íslands og gera landið enn háðara Bandaríkjunum.

Málamiðlun lýðskrumarans Gunnars Thoroddsens er ekki síður hættuleg. Í munni hans fær aronskan allt annan rökstuðning. Nú eru Gunnar Thor. og co orðnir málsvavarar "þjóðfrelsis" í mynd landvarna og snúast gegn forrættindum hersins. Hvílíkt öfugmæli. Forsprakkar landssölustefnu og forrættinda borgarastéttarinnar þykjast berjast gegn landssölu og forrættindum Mergurinn málsins er einfaldlega sá að borgarastéttin, öfær um að stjórna landinu, sér skjótfenginn gróða í hernum til að bæta vaxandi kreppuástand. Og klíkur íhaldsins berjast um það hver eigi að hirða gróðann. Geir Hallgrímsson og co. vilja halda

einokunargróða sínum. Hinir vilja fá hluta af landsölupeningunum.

En hvernig erum við í stakkbúin til að verjast þessu?

Í ljósi þessa verða herstöðvaandstæðingar að efla baráttu sína.

Ísland er háð amerískum hagsmunum t.d. Flugleiðir, fiskútflutningur SÍS og SH til Ameríku svo tvennt sé nefnt og íslenskir kápítalistar vilja gera landið enn háðara Ameríku.

Leiðin til að efla baráttuna hlýtur að felast í fjöldaðgerðum Samtaka herstöðvaandstæðinga og auknu starfi í hverfahópum, sem nú eru að lognast út af.

Ljóst er að forystuklíka Alþýðubandalagsins vill ekki efla SH. Klíkufélagarnir líta vonar augum á ráðherrastöla, jafnvel með íhaldinu, og til þess telja þeir sig verða að vera óbundna herstöðvamálinu. Við lá að þingi AB færi út um þúfur vegna þessa ágreinings sem ræddur var fyrir luktum dyrum. Það má taka það með að á

þessu þingi AB var einnig deilt um afstöðuna til Sovetríkjanna. Sumir töldu of mikið ráðist á Sovetríkin í þjóðviljanum. Þetta gerist á sama tíma og APN áróðursfretastofa sósíalheimsvaldastefnunnar á Íslandi, eykur starf sitt m. a. með auknum skrifum í Íslensk dagblöð.

Gegn síðlaugri landssölustefnu íhaldsins verður að berjast af alefli. Til þess að svo megi verða verður að útmá áhrif úrtöiuraddanna í Alþýðubandalaginu, bæði raddana sem vilja veikja andstöðuna gegn amerískri og rússneskri heimsvaldastefnu og beina sameinuðum kröftum gegn íhaldinu.

Lvkillinn að þessu eru hverfahóparnir. Við verðum að endurleisa þá sem eru dauðir og efla hina sem eru enn startandi. Samtökin verða að standa fyrir öflugum fjöldaðgerðum. Og beita verður öflugri gagnrýni á síðleysi íhaldsins og undanslátt AB-forystunnar.

Þetta eru verkefni allra herstöðvaandstæðinga og þau þola enga bið.

Verðhækkanirnar skapa vandamálin

Enn dynja verðhækkanirnar yfir okkur Íslendinga. Það breytir litlu fyrir þá sem stjórna hækkunum hvort um er að ræða nauðsynjavörur eða ekki. Það sem fyrir þeim vakir er að auka eða minnsta kosti ekki skerða gróða sinn.

Þær vörutegundir sem ekki eru taldar með í vísitölugrundvellinum er að sjálfsögðu hagkvæmast fyrir auðdrottana að hækka, því að þær fást í engu bætta launafólki.

Áfengi og tóbak eru að sjálfsögðu engin nauðsynjavara, heldur þvert á móti til óþurftar. En þessar vörur hafa þá eiginleika til að bera að vera mjög mikið keyptar og að standa utan við kostnaðarliði vísitölugrundvallarins.

Því er náttúrulega upplagt fyrir ríkisvaldið að hækka

verðið á þessum vörum. Nú áðast um 20%.

Einhverjir mundu nú kannski segja að þetta væri þarft framtak hjá ríkisvaldinu til að koma í veg fyrir áfengis- og tóbaksnotkun. Og lofa því að ríkisvaldið. En væri raunverulegur vilji fyrir hendi hjá handhöfum ríkisvaldsins að koma í veg fyrir þessa óþurftarnotkun með hækkun verði á nefndum vörum, myndu þeir auðvitað hækka það upp úr öllu valdi. En kæmi það til með að draga úr áfengisbólinu? Hvað sýnir reynslan okkur t. d. frá bandaríkjunum í Bandaríkjunum?

Áleiðing ráðstafana sem teknar eru ofan frá og eiga að vera "patentlausnir" á áfengis-

bólinu hafa einungis valdið því að menn hafa tekið til sinna ráða. Og þá blómgast bruggun, eiming, sprútsala, svartur markaður og önnur spilling.

En ríkisvaldið hefur engan á að koma í veg fyrir áfengis- og tóbaksnotkun heldur þvert á móti auka hana.

Því sala á þessum vörum er ein drýgsta tekjulind ríkisvalds borgarastéttarinnar og þann gróða ætlar það sér ekki að missa. Þvert á móti vilja auðdrottarnir halda gróða sínum af áfengis- og tóbaksneyslu í hámarki. Þeirra hagur er að þessi neysla sé sem mest og því munu þeir aldrei lyfta litla fingri til að koma á áfengis- og tóbaksbólinu.

Stéttabaráttan

Nú er árið liðið. Markinu í lausasölunni hefur verið náð, en áskriftaherferðin er all mikið á eftir ætlan. Eins og sagt hefur verið frá, hafa nokkrir menn verið með prufuáskrift fram að áramótum. Ekki hefur verið haft samband við þá alla ennþá, en því verður lokið fyrir næsta blað og verða þá lokaniðurstöður áskrifta- og lausasöluberferðarinnar birtar.

Fastir áskrifendur gera fjárhag mun öruggari. Með bættum tækjakosti mun útlit blaðsins batna verulega. Ritnefnd hefur ráðgert að fjölga síðum blaðsins skipulega, til að hafa fjölbreyttara efni og seinna meir mun útgáfutiðnin aukast. Hamarinn sýnir aukningu lausasölunnar frá upphafi herferðarinnar, 1 september s.l. Sigðin telur aukningu áskrifenda á sama tímabili.

Nýjar áskriftir skal póstsenda til: Rauðu Stjórnunnar Lindargötu 15. Pósthólf 1357. S: 27810.

